



古今事文類聚

後集  
世七之世九

~~99~~  
~~38~~

逍遙文庫  
文庫6  
28  
38







新編古今事文類聚後集卷之三十七

建安 祝穆 和父 編

金陵 唐富春 子和 刊

毛蟲部

# 猿

羣書要語猿似猴大黑色長前臂繁露猿屬或黃或黑說文  
 猿壽五百歲則為攬抱朴子無教律升水詩今取猿狙而衣周  
 公之服彼必齧齒挽裂盡去而後慊莊子夫騰猿其得柎梓豫  
 章攬蔓其拔而王長其間雖昇蓬蒙不能眇睨及其得柎棘枳  
 枸之間危行側視振動悼慄此處勢不便未足以逞其能也山



木置猿檻中非不巧捷無所肆其能淮南子窮猿投林豈暇擇

木晉書山人去兮曉猿驚北山移文猿鳥為伍共武軫書猿父

哀吟擗子長嘯猿踞裸然騰踔飛起吳都賦

詩句寒猿擁條吟文選山猿飲相喚杜高羅垂猿飲杜猿飲倒

垂藤許渾猿狖晚成羣李白掛藤疑取飲吟枝似避蕭詮佳

人劍翁孫游戲暫人間忽憶嘯雲侶賦詩留玉環坡牽引條上

兒飲弄山中月李白殊方落日玄猿哭杜巴東三峽猿鳴悲猿

鳴三聲淚霑裳峽中歌

古今事賞

君子為猿

周穆王南征丁軍盡化君子為猿為鵠小人為蟲為沙抱朴子

善射則號

楚王有白猿王自射之則搏突而嬉使養由基射始謂弓矯矣而猴擁樹號矣淮南子

化為白猿

越王問范蠡手劍之術蠡曰臣聞趙有處女國人稱之願王請問之於是王乃請女女將北見王道逢老人自稱袁公袁公問女曰聞女善為劍願得一觀之處女曰妾不敢有隱也惟公所試公即挽林杪之竹似桿未折墮地女接取其末袁公操其本而刺處女女因舉杖擊之公即飛上樹化為白猿吳越春秋

猿臂善射

李廣猿臂善射



為母拔箭

蜀邵艾為車騎將軍征涪陵見玄猿抱子在樹上引弩射之中  
後母其子為拔箭卷樹葉塞之艾歎曰吾違物性其將死矣乃  
投水中

猿為執麋

魏元忠素強正其微時家貧止一婢厨中方爨出郊汲水還乃  
見老猿為其守火婢驚曰元忠元忠曰猿恐我乏使為我執麋  
不亦善乎後亦無他唐史異

黑表郎

張長史賃肉屋以居觀黑表人樹上擲瓦見擊其弟射殺之乃  
是猿也宣室志

古今文集

雜著

玄猿賦

吳筠

前者稱周穆王南征君子變為猿鶴小人變為蟲沙夫神用無  
方未必不爾竊自入廬嶽則睹斯玄猿嘉其兩昏則無聲景露  
則長嘯下踐土石超造於萬木之間春咀其英秋食其實不犯  
稼墻深棲遠處獨有君子之性異乎狙猿之倫且多難以來庶  
品凋敗麋鹿殫於網罟遺昨困於誅求此獨蕭然物莫能患豈  
不以託迹魚絕不才遠禍昔夫子雖嘆山梁雌雉曰時哉時哉  
予因感之聊以作賦云耳

伊玄猿之所育于南國之曾泉動不踐地居常在林雖泛泛而



無據亦熙熙而有心雲嵐昏而共默風雨霽而爭吟使幽人之  
 思清暢霧客之涕霑襟何必聆嶰谷之音對雍門之琴哉歷于  
 尋之喬木俯萬仞之危嶠弄遊雲之亂飛嬉落日之橫照連肱  
 澗飲命侶煙囂或聚而閑按或分而迴趨壽同靈鶴性本君子  
 阻重巖之險非虎豹所履蔭交柯之密豈鵬鷲能視故逢蒙操  
 弓憚高深而止鄧公折箭含測隱而已何患累之罕臻不干物  
 以利已詎若狒狒凌入以就戮猩猩甘酒而送死夫時珍貂裘  
 世寶狐白徒能工於隱伏終見陷於機辟麝懷香以賈害狙伐  
 巧而招射小則翡翠殞於毛羽大則犀象殘於齒革孰能去有  
 用之損取無用之益固棄置於常情永逍遙以自適無威刑以  
 相臨有族類而相親食資諸物衣取諸身不賦不役靡勞靡勤

如政教之未施保巢居以還淳匪虞氏之所及何狙公之能馴  
 吾知人為物之貴又馬測元化之所謂大鈞乎

白猿賦 并序

李德裕

此郡多白猿其性馴而仁愛所止榛木不萃果熟乃取不與獲  
 相狎猴亦畏而避之昔傳奕有猿侯賦但說其變能似復以為  
 戲玩且不言一物殊性予今作賦以辨之耳

昔周穆之南邁將奮旅於湘沅既隻輪而無返化君子以為猿  
 嗟物變而何常故族類而始蕃或哀吟於永夜或清嘯於朝暾  
 峯合香以連響水潺湲而共喧矧三聲之未絕感行客之銷魂  
 觀其雖為異物而猶喜處動不為暴止皆擇所棲松鬱而不殘  
 楂梨熟而後取顧抗巖與猿狉信莫得而儔伯若乃靈變難測



神通有知淮南子稱女試劍而方接舉脩適而止馳養矯矢而  
未發發眇喬柯而已悲凌峻壑而電曜掛長蘿而匏垂避側足而  
不復尚有畏於沾危施於射則李控弦而盈貫用於道則華養  
形而不衰華化有後戲彼沐猴之佻巧雖貌同而心異既貪婪而鮮  
讓亦躁動而不息嗟斯物之既馴有仁愛而可畏故鄧生以違  
性與感齊后以擊庶掩淚嗟平人之化也實可悲辛或少貴而  
老賤或始富而終貧中行之後困於猷畝叔教之子疲於負薪  
何止蘇化熊而為癩哀成虎而不仁變飲鴆於瑤席鳴杜魄於  
巴垠乃知人世之可厭不啻是控搏而自珍

律詩

猿

裊裊啼虛壁蕭蕭掛冷枝艱難人不免隱見爾如知慣習元從  
衆全生或用奇前林騰每及父子莫相離

放猿

吉師老

放爾千山萬里身野泉晴樹好為鄰啼時莫近瀟湘岸明月孤  
舟有旅人

和常秀才寄簡歸州鄭使君借猿許渾

謝守携猿東路長長裏藤牙竹似瀟湘碧山初暝嘯秋月紅樹正  
寒啼曉霜陌上楚人皆駐馬里中巴客半歸鄉心知欲借南遊  
侶未到三聲恐斷腸

詩話

孫恪娶猿

事文類聚後集卷之八十一



孫恪游洛中觀大第此房無應者有女子摘萱草吟曰彼見是  
忘憂我看同萱草青山與白雲方展我懷抱青衣曰故袁長官  
女見求適人恪納為室後十餘年前一子治家甚嚴恪往南海  
為經畧判官至端州峽山寺表氏欲至寺訪舊老門徒既至若  
孰其道徑持碧玉環獻僧曰此是院中舊物齋罷有猿數十聯  
臂下高松表氏惻然題壁曰無端變化幾湮沉剛被恩情彼此  
心不知逐伴歸山去長笑一聲煙霧深詩畢遂裂衣化為老猿  
躡樹而去恪驚阻詢僧僧方悟為沙彌時所養一猿開元中力  
士過此憐其慧黠強以束帛易之獻上陽宮安史之亂不知所  
之碧玉環則胡人所施繫於猿之頸者見續世說及傳奇

# 猴

羣書要語猿獼猴也楚人謂之沐猴老者為獼猴駿捷其鳴噉  
噉而悲詩疏獼天母猴也色蒼黑狙獼屬爾雅一名狙一名王  
孫一名胡孫廣雅猿狙衣周公之服詳見猿門狙詐咸作使揚  
子戴以赤情襪以朱巾鮐其面丹其唇揚眉感額若愁若嘆傳  
玄賦

詩句瘵人強劇棘端猴坡

古今事實

狙伐巧

吳王浮于江登于狙之山象狙見之恂然棄而走有一狙焉委



蛇攫搔見巧乎王在射之敏給搏矢王命相者趨射之狙死王顧謂其友顏不疑曰狙之伐巧持其便以傲子以至此極也

賦狙八公羊

宋有狙公愛養狙而家賈將限其食曰與若乎朝三而暮四衆狙皆怒曰然則朝四而暮三衆狙皆悅列子

沐猴而冠

項羽楚人沐猴而冠

猴貌類人

安西衙將劉文樹善奏對髭生額下貌類猿猴上令黃幡綽朝乏文樹切惡猿猴之說密貽幡綽不言之幡綽進朝曰可憐好文樹髭鬚其類願別任面孔不似猢猻猢猻在似文樹上

笑鄭棻傳信記

獼猴乘土牛且戲誰門

禁猴食黍

有人種黍山中患獼猴食之間介象有道術從之乞禱猴之法象曰無他法也明白往黍所望見羣猴便大喚曰日已白介君教莫食黍此人明白視黍遇羣猴適欲下甜承象語獼猴各自還山遂絕跡神仙傳

狙丹報鷲

有人畜一子母胡孫一日鷲飛下搏其子對母啄其腦食其髓胡孫哀鳴二日不食徑於厨中取肉一片戴頂上往中庭似有所伺逡巡鷲果來搏肉胡孫兩手捨擊其翅鷲腦食髓衆甚為



人愧於猴

唐昭宗播遷隨駕伎藝人止有弄猴者猴頗馴能隨班起居昭宗賜以緋袍號孫供奉羅隱下第詩云何如學取孫供奉一笑君主便着緋宋梁竄位取此猴令殿下起居猴望殿陛見全忠徑趨其所跳躍奮擊遂令殺之唐臣愧此猴多矣 幕府燕聞錄

古今文集

雜著

王孫賦

後漢王延壽

原天地之造化實伸偉而崛竒道玄微以容秘信無物而弗為有王孫之狡獸形陋觀而醜儀顏狀類乎老公軀體似乎小兒

眼睜崖瞞五流反以耽郵視職睫以映呼悅反眩呼迷反突高目而曲頰音環音睨呼反又歷而噴離單鞋許解反鞫許候反以軟吸缺許來反耳聿役以諳知口噤呼黍反咄呼用反以齟側成反齟都反唇啖制狹反而聶而腋足甲反脫妍卑反齒崖崖以齧嚙反嚙呼反狂噪而嘖呼反嘖呼反儲糧食於兩頰稍委輸於胃腴踉蹌而狗踞呼反聲歷嘖而嚙呼反或嘖嘖而嚇呼反又嘖呼反其若啼姿呼反僂呼反而摠呼反噴呼反豁呼反以頤醯呼反胎呼反而曉呼反賜呼反眈呼反而充呼反悞呼反而跋呼反嘗呼反生深山之茂林處斬岩之嶽峭性獐狷而猶疾態峯出而橫施緣百仞之高木攀窈窕之長枝背牢落之峻壑臨不測之幽巖尋柯條以宛轉或捉腐而登危或羣跳而電透或成懸而欹垂上觸手而擎攬下對足而登跂至攀攬以狂接覆縮臂而勇赴時遼



落以蕭索乍睥睨以容與或蹙蹙以踐遊工咨諏而擗聚扶窳  
峯以陣緣躡危竄而騰舞忽涌逸而輕迅羌難得而覩縷同其  
苦於人類好餽糴而啜醜乃設酒於其側竟爭飲而踰火綠馳  
顛酌以迷醉眩眠睡而無知暫拏髮以繕縛遂纓綬以羈縻  
歸鎖繫於庭廡觀者吸呷而忘疲也

惟王孫文

柳宗元

旅王孫居異山德異性不能相容猿之德靜以恒類仁讓孝慈  
居相愛食相先行有列飲有序不幸乖離則其鳴哀有難則內  
其柔弱者不踐稼蔬木實未熟相與視之謹既熟嗜呼羣焉然  
後食衍衍焉山之小草木必環而行遂其植故猿之居山宮鬱  
然王孫之德躁以鳴訟爭號歎皆暗疆疆雖羣不相善也食相

噉齧行無列飲無序爭離而不思有難推其柔弱者以免好踐  
稼蔬所過狼藉披攘木實未熟輒齒齧投注竊取人食皆知自  
實其嘍山之小草木必環挫折挽使之碎然後已故王孫之居  
山山恒高然以是猿羣衆則逐王孫王孫群衆亦避猿猿棄去  
終不與抗然則物之甚可惜莫王孫若也余棄山間久見其趣  
如是作憎王孫云

義鷹記 內說猿見鷹則

律詩

韓駒謝人寄小胡孫

黃魯直

真宜少茂竟未解柳州憎婢喜常儲菓奴顛屢掣繩

從人食小胡孫許寄

杜甫



人說南州路山後樹樹懸壘家聞若秋為寄小如雀黃晒愁胡  
面初調見馬鞭許求願慧者童稚捧應顛

獼猴

程伯淳

山僧云晏元獻公來獼猴滿山

聞說獼猴性頗靈相直來便滿山迎鞭藤到此何嘗見始覺毛  
蟲更世情

# 狐

狸附

羣書要語狐之類貉貓狸也詩疏狐妖獸也鬼所乘也說文青  
丘之國有九尾狐山海經君子曰樂樂其所自生禮不忘其本  
古之人有言曰狐死正首丘仁也檀弓田獲三狐得黃矢貞

解小狐汜濟濡其尾永濟南山崔嵬雄狐綏綏南山有狐綏綏

在彼淇梁有狐莫赤匪狐北風千歲之狐為淫婦百歲之狐為  
美女郭氏玄中記狐性多疑水經注

狸伏獸也爾雅一種面白而尾似牛故名玉面又名牛尾專食  
百果廣雅乘赤豹而從文狸山鬼

詩鬼火狐鳴春竹叢黃

## 古今事實

狐假虎威

楚宣王問羣臣曰吾聞北方之民畏昭奚恤亦誠何如江乙對  
曰虎求百獸而食之得狐狐曰子無敢我天帝令我長百獸子  
若食我是逆天帝之命子以我為不信我為子先行隨我後觀



百獸見其能無走乎。虎以為然，隨狐而行。百獸見皆走，虎不知獸之畏也，反以為畏狐也。今主地方五千里，帶甲百萬，而任之於昭奚恤，然北方非畏奚恤實畏王之甲兵。出春秋後語

叢祠狐鳴

陳勝間令吳廣於所次旁叢祠中，叢謂草木岑蔚夜篝火，狐鳴呼曰：「大楚興，陳勝王。」卒皆夜起。

妖狐聽講

燕昭王墓有老狐化男子，詣張華講說華旌之謂。雷孔章曰：「今有男子少美高論，孔章曰：當是老精聞燕昭王墓有華表柱，向千年可取，照之當見如言，化為狐。」搜神記

老狐取友

吳郡顧旃至一岡，忽聞人語聲，云：「咄咄，今年某乃與眾尋覓岡頂有一穿，是古時家見一老狐蹲家中，前有一卷簿書，老狐對書屈指有所計校，大咋敘之，取視簿書，悉是姦人，女名已經姦者，宋鈞頭所跡，各有百數，旃女在簿次。」搜神記

狐手持火

管輅傳有一小物如獸，手持火以口吹之，書生舉刀斫斷，腰視之，狐也，自此無火災。

狐稱校尉

張鋌夜行，逢巴西侯置酒，邀之，丘校尉至，一人衣黑衣，天將曉，鋌悟寤，乃一狐卧于牀。

淫婦化狐



狐者古先之淫婦其名紫紫化而為狐故其姓自稱阿紫各山記

妖狐化人

野狐名紫夜擊尾出穴將為怪必戴髑髏拜北斗髑髏不墜則化為人矣酉陽雜俎

聽水渡河

北風勁河水始涸曼須狐行云此物善聽水下無水聲然後過河北征錄

官舍狸怪

樂廣為河南尹先是河南官舍多妖怪前尹皆不敢處正寢廣居之不疑嘗外戶自閉左右皆驚廣獨回顧見有墻孔掘墻得狐而殺之其怪亦絕矣本傳

古今文集

雜著

鴉執狐記

李華

某嘗目異鳥擊豐狐於中野雙睛耀宿六翮垂雲迅猶電馳厲若霜殺吻决肝腦瓜剝腎腸昂藏自雄條欻而逝問名於耕者對曰此黃金鴉也其何快哉因讓之曰什人秉心哀矜不暇何樂之有曰是狐也為患大矣震驚我姻族撓亂我閭里喜逃徐子之廬不畏申生之矢皇祇或者其惡貫盈而以鴉誅之予非斯禽之快也而誰為悲夫位高疾債厚味脂毒導道致盛或惟諸殃况假威為孽能不速禍在位者當洒濯其心祇除凶意惡是務去福其大來不然有甚於狐之害人庸忸於鴉之能爾



櫻狐

城狐不灌社鼠不燻謂其所棲穴者得所憑依此古語也故議論者率指人君左右近習為城狐社鼠予讀說苑所載孟嘗君之客曰狐者人之所攻也鼠者人之所燻也臣未見櫻狐見攻社鼠見燻何則所託者然也櫻狐二字甚奇且新

容齋隨筆

古詩

獵狐篇

蘇子美

老狐宅城隅涵養體豐大不知窟穴處草木但掩竄秋食承露未夏飲灌園派暮夜出傍舍雞魚遭橫害晚登埤堦嗚呼吸召百怪或為嬰兒啼或變艷婦態不知幾千年出處頗安泰古語比社鼠蓋亦有恃賴邑中少年兒耽獵若沉瘵遠郊盡雜鬼近

水殲鱗介養大號青鶴逐獸馳不再勇聞此老狐取必將自坎縱大索幽邃張入作疆界茲時頗窘急迸出赤電駭羣小助嘯嗥奔馳數顛沛所向不能入有類狼失狽鉤牙咋巨額髓血相潰沫喘吁遂死矣爭觀若期會何暇正首丘腥臊滿膏又數穴相穿通城堞幾墮壞久矣縱凶妖一旦果禍敗皮為場上藉肉作盤中膾觀此為之吟書以為驚戒

古塚狐

白居易

古塚狐妖且老化為婦人顏色好頭變雲鬟面變粧木尾曳作長紅裳徐徐行傍荒村路日欲暮時人靜處或歌或舞或悲啼翠眉不舉花顏似忽然一笑千萬態見者十人八九迷假色迷入猶若是真色迷人應過此彼真此假俱迷入人心惡假貴重



真狐假女妖善猶淺。一朝一夕迷人眼。女爲狐媚害即深。日長月長溺人心。何足褒姐色。疊惑能喪人家。覆人國。君看爲害淺。深間豈將假色同真色。

雜著 以下係狸

蓄狸說

楊蕪

敬亭叟之家。毒於鼠暴穿。桶穴。甕室無全字。昨齧管。篋幣無定物。乃賂於捕野者。俾求狸之子。必銳於家畜。數日而獲。諸沐飾。齒以撲給。鱗以茹。撫育之厚。如字。諸子其攫生搏。飛舉無不捷。鼠攝而殄。影暴。腥露。臙縱橫。莫犯矣。然其野心常思逸于外。罔以子育爲懷。一旦怠其繼。踰垣越宇。修不知其所逝。叟悅且惜。涉旬不拜。弘農子聞之曰。野性匪馴。育而靡恩。非獨狸然。人亦

有。旃梁武於侯景籠。非不深矣。劉垠於足。殫情非不至矣。旣喚其城復返。厥噬嗚呼。非所蓄而蓄。孰有不叛哉。

養狸述

舒元與

野禽獸可馴養。而有禪於人者。吾得之於狸。狸之性憎鼠。余愛其能息鼠。竊近乎正。且勇嘗觀。虞人有生致者。因得請歸。致新豐里客舍。舍之初未爲其居時。曾爲富家。廩墻堵地面甚足。鼠竅穴之口光滑。日有鼠絡繹然。其旣居。果遭其暴。耗常白日爲羣。雖敲拍叱嚇。累不畏忌。或甞餽餽。俛跼縮。須臾復來。日數十度。其穿巾孔。箱之患。繼晷而有晝。或出遊及歸。其什器服物悉已破碎。若夜時長留。缸續晨與役夫更吻。驅訶甚擾。神抱有時。或每死。睫交黑暗中。又遭其緣。場過面汨汨。上下則不可奈何。或



知之借積以收拾衣服未頃刻積又孔矣予心深悶當時意欲掘地誅剪始二十七日間未果頗患之若抱養疾自獲此狸常鬪關實竇縱於室中潛伺之見軒首引鼻似得鼠氣則凝蹲不動斯須果有鼠數十輩接尾而出狸忽躍起豎瞳進金文毛磔斑張爪呀牙割泄怒聲鼠黨皆伏不敢竄狸遂搏擊或目抉牙截尾指首擺瞬視間羣鼠肝腦塗地迨夜始背缸潛窺室內洒然予以是益寶狸矣常自馴飼之到今僅半年狸不復殺鼠鼠不復出穴穴有土蟲絲封閉欲合嚮之輒積服物皆縱橫拋擲無所損壞噫微狸鼠不獨耗吾物亦將咬噬吾身矣是以知吾得高枕坦卧絕瘡痍之憂昔斯狸之功異乎鼠本統乎陰蟲其用合書伏夕動常怯怕人者也嚮之暴敷非有大膽壯力能凌

侮於人以其人無禦之之術故得恣橫若此今人之家苟無狸之用則紅墻皓壁固為鼠室宅矣甘濃鮮肥又資鼠口腹矣雖乏人智其奈之何嗚呼覆燾之間首圓足方竊盜聖人之教甚於鼠者有之矣若時不容端人則白白之下得騁於陰私故桀朝鼠多而關龍逢斬紂朝鼠多而王子比于剖魯國鼠多而仲尼去楚國鼠多而屈原沉以此推之小人道長而不知用君子以止之猶嚮之鼠竊而不知用狸而止退縱其暴橫則五行七曜亦必反常於天矣豈直流患於人間耶某因養狸而得其道故備錄始末貯諸篋內異日持論於在位之君子

古詩

牛尾狸

蘇子由



首如狸尾如牛攀條捷峻如猿猴橋相為漿粟為餓肌肉不足  
惟膏油深居簡出善自謀尋蹤發窟井執囚蓄租分散身為羞  
松薪在甑丞浮浮壓入糟益肥欲流熊脂羊酪真比儔引筋將  
舉訊何尤無功竊食人所仇

牛尾狸

楊廷秀

狐公韻勝冰玉肌字則未聞名季狸誤隨齊相燧牛尾策勳封  
作糟丘子子孫世世襲膏梁黃雀子魚鴻鴈行先生試與季狸  
語有味其言須聽取

偶野人有為予生得牛尾狸者獻諸丞相益公侑以

長句

楊廷秀

風林露圃天欲霜柿紅栗紫橘弄黃老夫思饒不忍嘗丁寧

人莫取將朝來栗姬羽化去通其木效三百戶烏裨十子散如  
煙檢校不知渠去處山僮相傳皂衣郎字曰季狸氏奇章上樹  
千回一霎強連夜剽略積廼倉井吞又向黎侯國羅人救黎遂  
禽獲白茅而縛來獻俘玄端貂裘瓠肥白解驂薦渠登相門立  
談封作糟丘君旁招披綿拉通印日侍尊道嬉平園王肌生櫛  
麈手削須防東坡訟寃着

律詩

玉面狸

朱喬年

壓糟玉面天涯見珠雪庖霜照眼明投筋羞顏如甲厚南山白  
額正橫行



# 猩猩

萬萬附

羣書要語有獸如豕而人面曰猩猩能知人名似小兒啼爾雅

往往能言不離禽獸禮記往往能言亦一足無尾而君子受其

羹食其馘故人非以一足無尾以知禮也非相終歸知來往往

知往淮南子肉之美者往往之唇呂氏春秋

詩句村稚啼禽猩韓

猩猩八面黑身有毛及踵見入則笑笑則上唇掩目俗呼為山

都山海經

## 古今事實

餉封溪令

後漢袁牢夷出猩猩形若狗而人面頭頰端正善與人言聲啼  
妙麗如婦人對語昔有人以猩猩餉封溪令問餉何物猩猩自  
於籠中曰但有酒及僕且無他飲食

## 古今文集

雜著

猩猩銘并序

裴炎

酈元長水經注云武平封溪縣有獸曰猩猩猿形人面頰容端  
正學人語若與交聞者無不欲飲其肉食之窮年無厭可以辟  
穀淮南子曰猩猩知往而不知來謂知人家往來及祖父名位  
阮汧云使封谿見邑人云猩猩在山谷間常有數百為羣里人  
以酒并糟設於路側又愛著殺里人織罽為屐更相連結猩猩



見酒及屐知里人設張斯知張者祖先姓字及呼名云奴欲張  
 我捨爾而去復自再三相謂曰試共嘗酒及飲其味逮乎醉因  
 取屐而着之乃為入之所捨皆獲輒無遺者遂置櫪中隨其所  
 欲而飲之將烹里人索其肥者乃自推肥泣而遺之左太冲吳  
 都賦曰猩猩啼而就烹里人以餉封溪令令曰何物曰猩猩惟  
 與酒兼之以履可以就擒耳西國胡人取其血染毛刺色鮮不  
 黦或曰若刺其血問之爾與我幾許猩猩曰二升果足其數若  
 加之鞭棰而問之隨所加而得至於一斗弗如此未肯頓輪張  
 薦孝廉好古之士於笥中出此圖相示賓客覽之曰悲哉此獸  
 何其愚也有僧去塵在座謂諸賓客曰彼獸也夫何足云竊見  
 人而似之曾無悟矢四座引而問之曰夫財色名利溺人也曷

若猩猩好酒平爵賞祿位羈人也曷若猩猩愛屐乎饜饜致禍  
 飾辭覲免者曷若猩猩推肥乎蘊利生孽死而無悔者曷若猩  
 猩令益乎予奚獨悲此諸賓饜饜改容而嘆曰大哉高人之言  
 也豈務世利汨沒各位者之所聞子敬蒙斯言以為座右銘其  
 銘曰

爾形惟猿

爾面惟人

言不忝面

智不踰身

淮陰在漢

李斯相秦

曷若箕山

以全吾身

律詩

和錢穆父詠猩猩毛筆

黃魯直

愛酒醉魂在能言機事疎平生幾兩屐身後五車書物色看玉  
 會教勞足石渠拔毛能濟世端為謝楊朱

事類彙編後集

卷之三十七



戲詠猩猩毛筆十首即奉穆父後奉于瞻

黃魯直

枕檝葉暗宵郎紅朋友相呼隨酒中政以多知巧言語故應來  
作管城公

又

明窗脫帽見蒙茸醉著青鞋在眼中束縛歸來儻無辱逢時猶  
作黑頭公

雜著 係萬萬

山海經萬萬贊

萬萬怪獸被髮操竹獲入則笑唇蓋其目終亦號咷反為我戮

豺 狼 獺並附

羣書要語豺形似天 說文 季秋之月豺祭獸 月令 羊質而

虎皮見草則悅見豺則戰 楊子

狼狂猶牝狼 爾雅 狼似天銳頭而白頰 說文 狼跋其胡載疋其

尾 爾雅 子之昌兮遭我乎狃之陽兮並驅從兩狼兮 還詩 獸人

冬獻狼 天官 狼膾膏 禮記 狼子野心 左傳 狼前足絕短每行常

駕兩狼失狼則不能動故世言事乖稱狼狼 六帖 狼糞煙烽火

用之煙直也 同上 貪如狼 宋義云

詩句 人跡尚蕭條豺狼夜相舐 坡 乾坤尚虎狼

頤如小狗水居食魚偏屬 說文 孟春之月獺祭魚然後虞人入



澤溪月令

詩何沙喧獺吞魚杜

古今事實

狼子野心

伯石始生姑視之及堂聞其聲而還曰是豺狼之聲也狼子野心非是莫衷羊舌氏矣遂弗視

豺狼當道

漢遣八使循行風俗張綱獨理其車輪於洛陽都亭曰豺狼當道安問狐狸遂奏梁冀等京師震恐

以羊將狼以下係狼

漢高祖使太子將兵四皓曰令使太子將兵無異羊將狼也

狼乳烏孫

烏孫王昆莫初生棄於野狼往乳之大宛傳

狼生突厥

突厥之先匈奴之別種也為隣國所破其族有一小兒棄草澤中有牝狼以肉飼之及長與狼交合遂有孕生十男後周四夷書

獺着荷衣係獺

東平呂球豐財美貌乘船至曲阿湖值風不得行泊荻際見一少女乘船采菱舉體皆衣荷葉因問女汝非鬼耶衣服何至如此女有懼色荅云子不聞荷衣今蕙帶修而來兮忽而逝乎迺廻舟理棹而去球進射之即獲一獺船皆是蘋繁蘊藻之葉見老樹立岸側如有所候望見船過因問云君向來不見湖中採



麥冬子耶球云近在後尋復射獲老獾居湖濱者感云湖中常有採麥女子容色過人有時至人家結好者甚衆幽真錄

古今文集

律詩

捕狼

陳無已

一狼將四子一嶺走于羊意得無前敵時垂闕後防寧知射生手已發弩機張會使鳥鴛飽空令豺虎傷

古詩 係獾

有獾吟

劉禹錫

有獾得嘉魚自謂天見憐先祭不敢食捧鱗望清玄入立寒沙上心專胆肩肩漁翁以為妖舉塊投其咽呼兒貫魚歸與獾同

亨前關關黃金鴨大翅搖江煙下見盈羣魚投身孽洪漣攪擊隱嶙去哺雛林整顧鴟鳥欲伺隙遙嘆莫敢前長居青雲路彈射無由緣何地無江湖何水無鮪鱸天意不宰割非祭徒奉拳空餘知禮重載在滄中篇

兔

羣書要語

語兔子魏敷萬切爾雅兔大者曰兔廣志兔望月而孕博物

兔古注雄兔而孕及生子從口中出論衡兔口有缺處有九孔

明脉禮記禮記越越龜兔遇天獲之巧言有兔爰爰國風有兔斯有

炮志燔之龜葉肅肅兔宣施于中林周南得兔忘蹄易係兔走

事文類聚後集

卷之三十三

三十一

兔



後書堂本

深山千人競逐以其未定漢書狡兔有三穴史記馮瑗孕婦不

食兔肉今兒口缺博物志兔者明月之精典畧

詩句搗藥兔長生杜今如置中兔坡

古今事實

守株待兔

宋人有耕者田中有株兔走觸折頸而死因釋耕守株真復得

兔為宋國所笑韓子

田父獲兔

淳于髡說齊威王曰韓盧者天下之俊犬也東郭俊者海內之狡兔也韓盧逐東郭俊騰山者五環山者二兔極於前犬疲於後犬免俱疲各死其處田父見而獲之無勞苦而擅其功今齊

魏相持頓兵弊衆恐強秦大楚乘其後而有田父之功也春秋後語

田父逐兔見狗門

託兔踐瓜見瓜門

古今文集

雜著

毛穎傳見筆門

古詩

白兔

歐陽永叔

天眞復雲濛濛白兔搗藥嫦娥宮玉關金鎖夜不閉竄入滌山千萬重滌泉清其瀉太壑滌草軟翠搖輕風渴飲泉困棲草滌

事文類聚後集

卷之三十一

三十一

白兔



人遇之豐山道網羅百計偶得之千里持爲翰林寶翰林酬酢  
委白壁珠箔花籠玉爲食朝隨孔羣伴暮繞鸞鳳翼五人邀客  
醉籠下京洛風埃不震席羣詩各貌極豪縱爾鬼有意果誰識  
天資潔由已爲累物性拘囚盡無益上林榮落幾時休回首峯  
巒斷消息

永叔白兔

梅聖俞

可笑嫦娥不事却走玉兔來人間分寸不落獵人口滁州野  
曳獲以還霜毛半茸日晴殷紅條金練相繫搜馳獻舊守作異  
玩况乃已在蓬萊山月中辛勤莫擣藥桂傍杵臼今應爾我欲  
拔毛爲白筆研朱寫詩破公頰

永叔云諸君所作皆以常娥月宮爲說頗願吾兄以

中意別作一篇度高出羣類然非老筆不可

梅聖俞

毛氏穎出甲山中衣白兔褐求文公文公嘗爲穎作傳使穎各  
字傳無窮徧走五嶽都不逢乃至琅琊聞醉翁傳是日黎之後  
身文章節行一以同滁人喜其就籠繼遂與提攜來自東見公  
於鉅鰲之峯正草命令辭如虹筆秃願脫穎以從赤身謝德歸  
蓋蓬蓬

信都公家白兔

王介甫

水晶爲宮玉爲田嫦娥縞衣洗朱鈿宮中老兔非日浴天使潔  
白宜嬋娟揚鬢舞桂樹間桂花如霜亂後前赤鴉相望霜不  
得空疑兩瞳射日月東西跳梁自長久天畢橫施亦何有馮光

事文類聚後集

卷之三

三

三



下視直罔繁衣褐紛紛謾回首去年驚隨滌山雲出入虛莽猶  
無羣奇毛難藏果見獲千里今以窮歸君空衢險幽不可返食  
君庭除嗟亦窘今子得為此免謀曹章長林且遊衍

答裴仲謨放吏行

秦少游

兔飢食山林兔渴飲川澤與人取取焉用苦求索天寒草枯  
死見窘何太迫上有蒼鷹禍下有黃犬厄一死無足悲所耻敗  
頭額敢期揮金遇倒囊無難色雖垂獵者意頗塞仁人責免兮  
免今聽我言月中仙子取汝憐不知巫及月中宿休顧商嚴井  
嶽麓

謝陳希顏惠兔

楊廷秀

東郭阿魏馳褐裳清馥不著煙火香姪娥幽入廣寒殿詔許搗

藥不許嘗金丹煉成紫皇喜玉臼自携銀漢洗偷將缺吻吸瓊  
漿蛻畫骨毛作仙子鬢絲吹落桂枝風人間封作管城公先生  
何許得尸解貌如枯蟾帶玄衣麒麟掌脯未必如耶律曬肥差  
不逮先生錦心冰雪腸銀鈎珠唾千萬草管城奔命困畫圍阿  
魏添身嬉醉鄉老夫去年左車脫匙抄爛飯猶憂憂太息再拜  
謝阿魏尚堪掛壁紫蛛塵一飯瞻仰齒生津

律詩

題畫兔

陳去非

碎身鷹犬慙何忍埋骨詩書事亦微霜露深林可終歲雌雄暖  
日莫忘機



新編古今事文類聚後集卷之三十八

新編古今事文類聚後集卷之三十八

建安 祝穆 和父 編

金陵 唐富春 子和 刊

毛蟲部

馬

羣書要語凡馬八尺以上為龍七尺以上為騾六尺為馬天子  
十一閑六種邦國六閑四種家四閑二種春祭馬祖也天駒夏祭  
先牧始養秋祭馬社始乘馬者世本冬祭馬步馬灾害首馬一  
歲為馬二歲為駒八歲為馱河承天纂乘黃亦名飛黃似狐有  
五肉角周書王會驊騮騏驎織離騄駉古之良馬也荀子秦皇

事文類聚後集卷之三十八



有名馬七。追風。白兔。躡景。追電。飛翮。銅爵。晨危。古今注龍媒。騾

裊。並駿馬名。駑駘。欬段。並羸馬名。六帖弊。惟不棄為埋馬也。禮

記。驥不稱其力。稱其德也。語雖鞭之長。不及馬也。宣十五馬逸

不能止。成二牛驥同皂。漢書馬如游龍。後皇后傳馬或奔馳而

致千里。士或有負俗之累。而致功名。夫泛駕之馬。亦在御之而

已。漢武詔泛駕。言有逸氣不循軌。六帖老驥伏櫪。志在千里。選

樂府。何乃局促。如轅下駒。漢書風駿霧鬣。斷山驟壑。柳晉問

**詩句**朱蹄驕鬣。腕促蹄高。如踏鐵。杜頭上銑耳。如批竹。脚

下高蹄削寒主。杜

古今事實

乘馬

黃帝堯舜服牛乘馬。引重致遠。以利天下。莊子云絡馬首。牢牛鼻是也。

歸馬華山

武王歸馬華山之陽

八駿

穆王巡行天下。馭八龍之駿。一名絕地。足不踐土。一名翻羽。行

越飛禽。二名奔宵。夜行萬里。四名超影。逐日而行。五名踰輝。毛

色炳耀。六名超光。一形十影。七名騰霧。乘雲而行。八名挂翼。身

有肉角。拾遺記

白駒維繫

白駒刺宣王也。皎皎白駒。食我場苗。繫之維之。以永今朝。

事類彙編

卷之三十一

德壽堂



垆野牧馬

垆頌僖公也務農重穀牧于垆野

駮牝二千

衛文公秉心塞淵駮牝二千

老馬識道

齊桓公伐孤竹春往冬還迷惑失道管仲曰老馬之智可用乃放老馬而隨之遂得道韓子

盜馬報恩

秦穆公東敗左駮自往求焉九岐下野人殺馬將食之穆公笑曰食駿馬肉而不飲酒恐其為性也遍飲之而後去後聞秦擊晉皆從推鋒死以報德

馬死殺人

齊景公使人養所愛馬馬病死公怒令人殺養馬者晏子請赦之曰爾有二罪使汝養馬殺之一當死也又殺公所最善馬二當死也使公以一馬之故而殺人百姓必然諸侯輕伐吾國三當死也公喟然赦之○孔子曰齊景公有馬千駒死之日民無德而稱焉

諷王愛馬

楚莊王有愛馬衣以文繡置華屋下席以露牀啗以棗脯馬死欲以大夫禮葬之樂人優孟入殿門大哭曰請以君禮葬之以雕主為鞍文梓為槨豫章為題湊發甲卒為壙老弱負土諸侯聞之皆知大王賤人而貴馬也王曰為之奈何曰請為王言六



畜之苑籠竈為之槨銅漚為之棺齊以薑桂薦以木蘭衣以火  
光堊人腹中主乃以馬屬大官無令天下知聞也史

九方臯相馬

秦穆公謂伯樂曰子之年長矣子姓有可使求馬伯樂對曰良  
馬可以形容筋骨相也天下之馬若滅若沒若亡若失臣之子  
皆下材也臣有所與九方臯淮南子作九方堙其於馬非臣之比也穆  
公見之使行求馬三月而反報曰已得之於沙丘穆公曰何馬  
對曰牝而黃使大往取之牡而驪公不悅謂伯樂曰敗矣子之  
所求馬者色物牝牡弗能知又何馬之能知也伯樂曰若臯之  
所觀天機也得其精而忘其粗在其內而忘其外馬至果天下  
之良馬也列子

伯樂一顧

蘇代欲見齊王齊王怨蘇秦欲囚蘇代不說見代乃說淳于髡  
曰人有賣駿馬者比三且立於市人莫與言及見伯樂還而視  
之去而顧之一且而價十倍足下有意為臣伯樂乎春秋後語

市駿馬

郭隗謂燕昭王曰古之人君遣使者賫千金市千里馬於他國  
未至馬已死賣其首五百金以歸天下知其君之好也於是暮  
年而千里之馬至者三今王誠欲致士先從隗始隗且見用况  
賢於隗者乎戰國策

塞翁失馬

塞上之人其馬亡入胡中人皆吊之其父曰此何詎知不為福



乃數月其馬將胡駿馬而歸人皆賀之其父曰此何詎知不為禍家富馬良其子好騎墮而折解人皆弔之其父曰此何詎知不為福居一年胡夷大出丁壯者皆控弦而戰塞上之人死者十九此子獨以跛故子父相保淮南子

廐焚不問馬

廐焚子退朝曰傷人乎不問馬

有馬借人

子曰吾猶及史之闕文也有馬者借人乘之今亡矣夫

馬號一疋

顏回望吳門馬見一疋練孔子曰馬也然則馬之光景一疋長耳故後人號馬為一疋家語或曰馬夜行目明照前四文故曰

一疋或曰春秋左氏說諸侯相贈乘馬束帛為疋與馬相疋耳風俗通

馬不食粟

李父子相魯馬不食粟

造父善御

定公問於顏淵曰東野子之善御乎顏淵曰善則善矣雖然其馬將佚定公曰何以知之顏淵曰臣以政知之昔造父巧於使馬造父不窮其馬是造父無失馬也今東野畢之馭上車執轡御體正矣步驟馳驟朝禮畢矣歷歷致遠馬力盡矣然猶求焉不已是以知之也荀子

王良善御



昔者趙簡子使王良與嬖奚乘終日而不獲一禽嬖奚又命曰天下之賤工也或以告王良王良曰請復之強而後可一朝而獲十禽嬖奚又命曰天下之良工也簡子曰我使掌專主也與女乘謂王良良不可曰吾為之範我驅馳終日不獲一為之詭遇一朝而獲十詩云不失其馳舍矣如破我不貫與小人乘請辭

御馬得人

駕轡膝乘且王良執韉鞞哀附輿縱馳騁驚忽如景靡過都歷國蹶如歷塊追奔電逐遺風周流八極萬里一息人馬相得也王褒頌

不棄老馬

田子方出見老馬於野喟然有頃問於御者曰此何馬也御者

曰故公家畜也罷而不為用故出放之田子方曰少盡其力而老棄其身存者不為也東帛贖之窮士聞之知歸心焉韓詩外傳

騅不逝

項羽駿馬名騅常騎及敗於垓下乃歌曰時不利也騅不逝及至烏江謂亭長曰吾騎此馬五歲所當無敵嘗一日千里不忍殺以賜公

却千里馬

賈捐之上書曰孝文皇帝時有獻千里馬者詔曰鸞旗在前屬車在後日行五十里朕乘千里馬獨先安之於是還馬

梁主墮馬

梁主墮馬賈生自傷為傳無狀常哭泣後歲餘亦死



馬生水中

元狩二十年馬生余吾水中元鼎四年馬生渥洼水中

求大宛馬

大宛有善馬在二師城匿不肯與漢使天子既好宛馬使壯士持千金及金馬以請宛王善馬宛國饒漢物相與謀不肯與漢使怒妄言推金而去宛貴人怒攻漢使取財物天子大怒拜李廣利為貳師將軍發屬國騎及郡縣惡少年數萬人以伐宛期至貳師城取善馬

騎馬入廟

景元成以列侯侍祀嘗晨入朝天雨淖不駕四馬而騎馬至廟下有司劾之數人皆削爵

認馬即予

卓茂為丞相史事孔光嘗出行有人認其馬茂解與之曰若非公馬幸至丞相府歸我乃步輓車去後馬主得亡者乃詣府

驄馬御史

桓典為御史是時宦者執政典無所迴避嘗乘驄馬京師畏憚為之詩曰行行且止避驄馬御史

白馬生諫

漢張湛為光祿勳帝臨朝或有惰容湛輒諫其失常乘白馬上每見湛輒言曰白馬生且復諫矣

便面拊馬

張敞為京兆尹罷朝走馬章臺街自以便面拊馬注便面若今



沙門持竹扇不欲人見之也言敵無威儀也

騎款段馬

馬援擊交趾謂官屬曰從弟少游常哀吾多志曰士生一世但取衣食足乘下澤車御款段馬為郡吏守墳墓鄉里稱善人斯可矣致求盈餘但自苦耳

遭獲給免

曹操與呂布軍戰敗布得操騎而不知是操問曰曹使君何在答曰騎黃馬者是也因得免獻帝春秋

的顛濟厄

劉備之初奔劉表屯於樊城左右欲因會取備備覺如廁便出所乘馬走墮襄陽城西檀溪水中浦不得出備急謂的顛曰今

日急不可不努力的顛達備意一躍三丈得過世說

躍馬超渡

孫權征合肥馬上律橋橋見撤丈餘無板權躍馬超之獲免

隨馬尋主

孫堅討董卓失利被劉墮馬臥草中軍眾分散馬還營嗚呼軍人隨馬向草中乃得堅扶還營

馬不利主

庾亮所乘馬名的顛殷浩以為不利主勸亮賣之亮曰豈有己之不安而移之他人

馬蹏不驚

庾嶷遁世不仕牛馬有蹏蹏者恐傷人不驚於市

每頁頁及後集



墜馬折臂負其門

馬癖

王濟乘馬不肯渡水曰馬必是惜運乾障泥去之乃渡杜預曰濟有馬癖

馬行蟻封見叔姪門

能活死馬

將軍趙固良馬外惜之郭璞求謁吏不為通璞曰吾能活馬因出見之乃令二十人持竿東行二十里見丘林社廟以竹竿打樹果得一物似獲持歸此物見死馬噓吸其鼻中頃之馬果起奮迅如故不復見前物續搜神記

唐置牧坊

唐新造坊於赤岸澤得牝牡二十匹命太僕張萬歲馴字之四十年孳乳成七十萬六千匹文粹武后置馬坊仗內六閑一日飛龍二曰祥麟三曰鳳苑四曰鸞鸞五曰青良六曰出羣

馬害園人

柳公綽鹿馬害園人公綽殺之或言良馬可愛曰安有良馬而害人乎

立仗馬

李林甫居相位凡十九年固寵市權諫官無敢言者謂補闕杜暹曰君等獨不見立仗馬乎終日無聲而飲二石謂多豆一鳴則黜之矣謂負錄

詔許乘馬



李勣嘗以馬傷足帝以所乘馬賜之又詔得乘小馬出入東西

為守斬芻

第五倫為會稽太守自斬芻

每色一隊

王毛仲高麗人於牧事尤力蕃息不貲從帝東封取牧馬數萬  
疋每色一隊相間如錦繡天子才乏

騎馬奚奴從見詩門

馬不勝載

安祿山肥每乘騎入朝半道必易馬號大夫換馬臺小爾馬朝  
仆故馬必能負五石馳者乃勝載

支道養馬

支道字道林嘗養馬人有譏之答曰愛其神駿聊復畜爾世說

舞馬

玄宗嘗以馬百疋盛飾分左右施三童榻舞頃盃數十曲壯士  
舉榻馬不動樂士姿秀者十數人衣黃衫文武帶立左右每于  
秋節舞於勤政樓下樂志帝教舞馬四百蹄分為左右部有各  
稱曰某家驕其曲曰傾盃樂數十馬皆衣以錦繡絡以金鐸每  
樂作奮首鼓尾縱橫應節祿山取數十疋歸范陽後為田承嗣  
所得不知其伎也丁日大饗樂作馬聞樂而舞廐人以為妖擊  
之而斃明皇雜錄

前身作馬

吳官養馬之役者劉三復能說三生事自云前身作馬馬渴則



望驪而嘶傷蹄則連心痛

古今文集

雜著

相馬經

李伯樂

馬生下墮地無毛行千里尿舉一脚行百里鬮筋堅者千里馬  
膝如團麴千里馬一歲上下齒二十四歲齒黃三十三歲齒白  
馬頭為王欲得方目為丞相欲得明春為將軍欲得強腹為城  
郭欲得張四下為令欲得長眼欲得高匡眼睛欲得如懸鈴紫  
艷光眼卡懸蚤懸鑿欲得成鼻孤欲得大鼻頭欲得有王火字  
口中欲得赤膝骨欲圓而張耳欲相近而監小而厚伏龍骨欲  
得成頸欲得長雙跌欲得大而突蹄欲得厚腹下欲得平有小

字尾骨欲得高而垂凡相馬之法先除三羸五駑乃相其餘大  
頭小頸一羸也弱脊大腹二羸也小脛太蹄三羸也大頭緩耳  
一駑也長頸不折一駑也短上長下二駑也大駘短脅四駑也  
淺髓薄脾五駑也

莊子載徐無鬼見魏武侯告之以相狗馬荀子論堅白同  
異云曾不知好相雞狗之可以為名也史記褚先生於且  
者傳後云黃直丈夫陳君夫婦人也以相馬立名天下留  
長孺以相彘立名滎陽褚氏以相牛立名自有高世絕人  
之風今時相馬者間有之相牛者殆絕所謂雞狗彘者不  
復聞之矣劉向七略相六畜二十八卷謂骨法之度數今  
無一存 容齋隨筆



雜說

韓愈

世有伯樂然後有千里馬。千里馬常有而伯樂不常有。故雖有名馬，祗辱於奴隸人之手，駢死于槽枥之間，不以千里稱也。馬之千里者，一食或盡粟一石。食馬者不知其能千里而食也。是馬雖有千里之能，食不飽，力不足，才美不外見，欲與常馬等不可得。安求其能千里也？策之不以其道，食之不盡其材，鳴之不能通其意，執策而臨之，曰：「天下無馬。」嗚呼！其真不知馬也耶。

說驥

劉禹錫

伯氏佐戎于朔陲，獲良馬以遺予。予不知其良也，秣之稊，稅飲之汚池，厩櫪也。上痺而下蒸，羈絡也。綴索而續，鞿其易之如此。予方病且窶，求沾于肆肆之馭，亦不知其良也。評其價六十緡。

將劑矣，有裴氏子，贏其二以來之，謂善價也。卒與裴氏。裴氏所孿生雅，挾相術於馬也。尤工觀之，周體怡然，視聽笑既而仆隨之。且曰：「久矣，吾之不觀於是也。是何桑心勁骨，奇精妍態，宛如鑄如擘，如翔如之備耶？今夫馬之德也全矣，然顧其為駒，藏銳于內，且秣之垂方，是用不說於常，且須其齒備而氣振，平則衆美灼見，上可以獻帝，閑次可以鬻千金，裴也。聞言竦焉，遂傲其僕，蠲其皂筐，其惡，屢其漫權，以羨薦秣，以薌粒起之。居之深之，振音震之，無分陰之怠，斯以馬養馬之至分也。居無何，果以驥德聞，客有信予以喪其寶，且譏其所貧也。微予酒然曰：始予有是馬也，予常馬畜之。今予鬻是馬也，彼寶馬畜之，寶與常在所遇耳。且夫昔之翹陸也，謂將蹄將鬻，抵以搦策，不知其繭雲。



也昔之嘔吸也謂為疝為瘰按以藥石不知其噴室也夫如是則雖曠日歷月將至頓路曾何寶之有焉豈是而言方之於土則八十其縉也不猶愈於五穀乎客謾而竦予遂言曰馬之德也存乎形者也可以自取然猶違之若此矧德蘊於心者乎斯從古之歎予不敢歎

八駿圖序

秦少游

予嘗聞有周穆王八駿之說乃今獲見厥圖雄凌趨勝彪虎文螭之流與今馬高絕懸異矣其名盜驪黃騾白犧之屬也視蒼首則若飛雲視舉足則若乘風有待馭之狀有矜羣之姿若日月之所不足至若天地之所不足周軒軒然巖巖然言其真也實皇隆之精思其發也猶神扶其魄賦者如仙御者如夢

將變化何別哉世說周穆王駕八駿日會王母於瑤池從羣仙而遊按山海經去中國三萬里非虛說也而不知其從得之厥神是生為之用欤何古書無其匹狀圖之首有褚公遂良題云秦漢傳之降于梁隋至于皇唐不泯厥跡卓入昭然奇哉信乎苟今考之于古則人大笑矣求之於時則曠世矣由是知物有同者不必良有異者不必否或慮觀之者昧故為序以表焉

韓蘇杜公叙馬

韓公人物畫記其叙馬處云馬大者九疋於馬之中又有上者下者焉行者牽者奔者涉者陸者翹者顧者鳴者寢者訛者立者齧者渡者涉者降者瘁磨樹者噓者嗅者喜而相戲怒相踉蹌者林者騎者驟者走者載服物者載狐兔者凡馬之事二十



有七焉。馬大小八十有三，而莫有同者焉。秦少游謂其序事該而不煩，故倣之而作。羅漢記坡公賦韓幹十四馬詩云：二馬並驅，攢八蹄，二馬宛頸，鬣尾齊，一馬任前，雙舉後，一馬却避，長鳴嘶，老鬣奚官騎，且顧前身作馬通。馬語後有八匹飲，且行微流起，吻若有聲，前者既濟出林，鶴後者欲涉，鶴俛吻最後，一匹馬中龍，不嘶不動，尾搖風，韓生畫馬，真是馬。蘇子作詩如見畫世無，伯樂亦無韓。此詩此畫，誰當看？詩之與記，其體雖異，其為布置鋪寫，則同。誦坡公之語，蓋不待見畫也。予雲林繪監中有臨本，略無小異。杜老觀曹將軍畫馬圖云：昔日太宗拳毛騮，近時郭家師子花。今之新圖有二馬，復令識者又嘆嗟。其餘七疋亦殊絕，迥若寒空動，烟雪霜蹄蹴踏長，揪間馬官廐養森成列，可

憐九馬爭神駿，顧視清高氣深穩。其語視東坡以若不及，至於斯須九重真龍出，一洗萬古凡馬空，不妨獨步也。杜又有畫馬讚云：韓幹畫馬，毫端有神，驊騮老大，驪鬣清新。及四蹄雷電，一曰天池，瞻彼駿骨，實惟龍媒之句。坡公九馬讚言：薛紹彭家藏曹將軍九馬圖，杜子美所為作詩者也。其詞云：牧者萬歲繪者惟霸甫，為作誦偉哉。九馬讚此詩文數篇，真能使人方寸超然，意象橫出，可謂妙絕動官商矣。  
容齋隨筆

畫馬讚

杜甫

韓幹畫馬，毫端有神。驊騮老大，驪鬣清新。魚自瘦腦，龍文長身。雪垂白肉，風蹙闌筋。逸態蕭疎，高儀縱恣。四蹄雷電，一日天池。御者閑敏，云何難易。愚夫乘騎，動必顛躓。瞻彼駿骨，實惟龍媒。



漢歌燕市已矣矣茫哉哉但見駕駘駘紛然往來良工惆悵落筆雄才

九馬圖贊 并序

蘇子瞻

長安薛君紹彭家藏曹將軍九馬圖杜子美所為作詩者也奉  
毛師子二駿在焉作九馬贊

牧者萬歲繪者惟霸甫為作頌偉哉九馬姚宋廟堂李郭治兵  
帝下毛龍以馭羣英我思開元今為幾日筋骨應圖至三萬匹  
云何寂寥跬步山川負鹽挽磨淚濕九泉牝牡驪黃自以為至  
駿其一毛棄我千里蹄齧是乘脂蠟其鞭道阻且長喟其永嘆  
古詩

天馬歌

漢武帝

大乙賦兮天馬下多露赤汗兮沫流赭志倣儻兮精權奇奇爾浮雲

兮上馳體容與兮世萬里今安匹兮龍德友

渥洼神馬歌

漢武帝

天馬來從西極涉流沙九夷服天馬來歷無草徑千里循東道  
天馬來開遠門竦于身逝崑崙天馬來龍之媒遊閭闔觀玉臺

驄馬行

杜甫

鄧公馬癖人共知初得花驄大宛種夙昔傳聞思一見牽來左  
右神皆竦雄姿逸態何嶮峻顧影驕嘶自矜寵隅自青炎夾鏡  
懸肉駿碾礪連錢動朝來少戲華軒下未覺千金滿高價赤汗  
微生白雪毛銀鞍却覆香羅帕高家舊賜公能取天廐真龍此  
其亞晝洗須騰涇渭深朝趨可刷幽并夜吾聞良驥老始成此  
馬數年人更驚豈有四蹄疾如鳥不與八駿俱先鳴時俗造次



那得致雲霧晦冥方降精近聞下詔喧都邑却使麒麟地上行

衛尚書赤驃馬歌

岑參

君家赤驃畫不得一團旋風桃花色紅纓紫鞍珊瑚鞭玉鞍錦  
籠黃金勒請君鞞出看君騎尾長竿地如紅絲自矜諸馬皆不  
及却憶百金新買時香街紫陌鳳城內行人見者誰不愛揚鞭  
驟急白汗流弄影行驕碧蹄碎紫髯胡鬃金剪刀平明剪出三  
鬣高櫺上看時獨意氣衆中牽出偏雄豪騎將獵向南山口城  
南狐兔不復有草頭一點疾如飛却使蒼鷹翻向後憶昨看君  
朝未央鳴珂擁蓋滿路香始知邊將真富貴可憐人馬相輝光  
男兒意氣得如此駿馬長鳴北風起待君東去掃胡塵為君一  
日行千里

天馬歌

李白

天馬走出月支窟北月為虎文龍其骨嘶青雲振綠髮蘭筋權奇  
走滅沒騰崑崙瀝西極四足無一蹶雞鳴刷燕晡林越神行電  
邁躡恍惚天馬呼飛龍超目明長庚臆雙鳧尾如流星首渴烏  
口噴紅光汗溝朱曾陪時龍躍天衢羈金絡月照皇都逸氣稜  
稜凌九區白壁如山誰敢沾迴頭笑紫燕但覺爾輩愚天馬却  
戀君軒竦躍驚矯浮雲翻萬里足躑躅遙瞻閭闔門不逢寒風  
子誰採逸景孫白雲在天介陵遠崔嵬鹽車上坂坂倒行逆施  
畏日晚伯樂剪拂中道遺少盡其力老棄之願逢田子方惻然  
為我悲雖有玉山禾不能療苦飢嚴霜九月凋桂枝伏櫪銜冤  
摧兩眉請君贖獻穆天子猶堪弄影舞瑤池

唐八韻後集

卷之三十一

六



律詩

謝張安道惠馬

蘇子由

從事年來鬢似蓬，破車倦僕眾人中。作詩僅比窮張籍，得馬還從老晉公。夜起趨朝非所事，曉騎行樂定誰同。慣乘款段遊田里，怯聽駸駸兩耳風。張水部集有謝裴晉公惠馬詩

# 驢

羣書要語：驢，長耳也。說文：寒驢服駕無用，日多。楚辭：驢驘父馬。

母驢，駸駸馬父驢母也。說文

詩句：長耳任從水上過。趙逢

古今事實

靈帝乘驢

後漢靈帝於西園駕四白驢，躬自操轡驅馳，以為大樂。公卿貴戚轉相倣效，夫驢服重致遠，上下山谷野人之所用耳。何有帝王君子，駿御之乎？遲鈍之畜，而今貴之。天意若曰：國且大亂，凡執政者皆如驢也。五行志：凡人相罵曰灰驢，醜惡之稱也。風俗通

長面似驢，見百門。

騎驢到郡

晉文帝大親阮籍，願得為東平太守，帝從之。籍便騎驢到郡，至皆壞府舍，諸壁障使內外相望，當十餘日，便乘驢去。又士偉傳

驅驢省父

何成汚潔，胡威厲操清白，父質為荊州太守，威自京都省之，家貧無車僕。

事類彙編後集

卷之三十八

十七

卷之三十八



自驅驢單行拜見父十餘日辭歸每至客舍自放驢取食晉陽

作驢鳴見弔慰門

華山騎驢見姓名門

嘔紙成驢

張果老嘗乘一白驢休則疊之如紙置巾箱中以將水巵之後成驢矣武橫仙傳

古今文集

雜著

廬山公九錫俳諧文

宋表淑

若乃三軍陸邁糧運艱難謀臣停筭武夫吟嘆爾乃長鳴上黨慨慷應邦崎嶇千里荷囊致餐用捷大勳靡山不刊斯實爾之

功也走隨時興晨夜不默仰契玄象俯協瀟刻應更長鳴豪分不忒雖擎壺著稱未足比德斯又爾之智也青春絳身長頭廣額修尾後垂巨耳雙磔斯又爾之形也嘉麥既熟實須精麴負磨迴衡迅若轉雷惠我衆庶神祇獲薦斯又爾之能也是用遣中大夫間止騾如爾使銜勒大鴻臚班脚大將軍官亭侯以湯州之廬江江州之廬陵吳國之桐廬合浦之朱廬封爾為廬公

黔之驢

柳宗元

黔之驢有好事者船載以入至則無可用放之山下虎見之靡然大物也以爲神蔽林間窺之稍出近之慙慙然莫知他日驢一鳴虎大駭以爲祖噉已也甚恐然往來視之竟無異能者益習其聲又近出則後終不敢搏稍近益狎蕩倚衝冒驢不勝怒



蹄之虎因喜計之曰技止此耳跳踉大噉斷其喉盡其肉乃去  
噫形之麗也類有德聲之宏也類有能向不出其技虎雖猛鎮  
畏卒不敢取今若是焉悲夫

新編古今事文類聚後集卷之三十九

建安 祝穆 和父 編

金陵 唐富春 子和 刊

毛蟲部

牛

羣書要語獮特牛父也犢牛子也犗黃牛黑脣也犗純色牛也

說文

周留水牛毛青腹大廣志童牛之牲大畜東鄰殺牛

不如西鄰之禴祭既濟皖被牽牛不以服箱小雅祭天地之牛

角爾栗宗廟之牛角榷賓客之牛角尺內則諸侯無故不殺牛

曲禮

郊牲用騂尚赤也用犢貴誠也郊特牲伐冰之家不畜牛



羊大學犁牛之子騂且角雖欲勿用山川其舍諸語寧為雞口

彼言宜村

毋為牛後史記若九牛亡一毛司馬遷書牛驥同皂鄒陽書勤

首曰勞牽不得算于尾弊太玄經

**詩句** 椎肥牛呼牟韓九牛亡一毛未存多少間韓牛戴寒鴉過

別村蘇迨

**古今事實**

巢父牧犢

堯以天下讓巢父巢父曰君之牧天下亦猶余之牧狐犢君牧天下是各有其所牧矣焉用惴惴然以所牧而與余無用天下為也於是牽犢而去符子

巢父飲牛見隱逸門

武王放牛

武王放牛於桃林之野

宣王考牧

宣王考牧誰謂爾無牛九十其特爾牛來思其耳濕濕或降于

阿或飲于池

牛羊茁壯

孔子嘗為乘田委吏曰牛羊茁壯長而已矣

乘牛度關見關門

牛謝極弱

子路拯溺其人拜之以牛子路不受孔子曰魯人必不拯溺矣

齊主易牛

皇文類聚後集

卷之三十九

七

皇三子三牛



齊王見牽牛鬮鐘以羊易之

莊子犧牛 見隱逸門

騷鼠食角

成七年騷鼠食郊牛角改上牛騷鼠又食其角乃免牛

牽牛踐田

楚子為陳夏氏亂故伐陳殺夏徵舒因懸陳申叔時使於齊使命不賀而退王使讓之對曰抑人有言曰牽牛以踐人之田疇奪之牛牽牛以踐者信有罪矣而奪之牛罪已重矣諸侯之從討有罪今懸陳貪其富也無乃不可乎王曰善宣上

飯牛車下

寧戚飯牛車下扣角而商歌曰南山粲白石爛生不逢堯與舜

禪短布單衣纜至解長夜漫漫何時旦齊桓公聞之舉以為相琴操

取牛牛肥

百里奚爵祿不入於心故飯牛而牛肥

販牛於秦

百里奚未遇時販牛於秦鬻以五羊之皮公孫枝得而獻諸繆公繆公用之謀無不當舉必有功呂氏春秋

庖丁解牛

庖丁為文惠君解牛曰臣之刀十九年所解千牛而刀如新彼節者有間而刀刃無厚以無厚入有間而恢恢乎其游刃必

有餘地是以十九年而刀刃如新莊子

屠牛坦一朝解十二牛

事文類聚後集

卷之三十六



而亡刃不頓賈誼策

猗頓畜牛

猗頓魯之窮士聞朱公富往問術焉告之曰子欲速富畜五特乃適西河大畜牛羊于猗氏之南十年之間子息萬計貨擬王

公孔叢子

刻五石牛

秦惠王欲伐蜀乃刻五石牛置金其後蜀人見之以為牛能便金有養卒以為此天牛也能使便金蜀主以為然即發卒千人使五十力士拖牛成道致二牧於成都秦得道通石牛力也後遣丞相張儀等隨石牛道伐蜀蜀紀

田單火牛

騎劫攻取即墨田單取牛千頭衣以五彩束刃其角縛火其尾穿城而出步壯士五千銜枚隨其後牛出火明所觸皆死壯士因擊之燕師大敗遂收齊城

占犢吉祥

宋人有好行義者三世不解家無故而黑牛生白犢以問孔子孔子曰此吉祥也以享上帝居一年其父無故而育牛復生白犢居一年其子又盲其後楚攻宋圍其城民易子而食之折骸而炊之丁壯皆乘城戰死者大半此人父子有疾皆免列子

射卒不中

賈堅學考三石餘烈祖以堅善射故親試之乃取一牛置百步上召堅射曰能中乎堅曰少壯之時能令不中今已年老不



能中之恪大笑射發一矢拂春再一矢磨腹皆附覆落毛上下如一恪曰能復中乎堅曰所貴者以不中為奇中之何難一發中之觀者咸服其妙崔鳴十六國春秋燕語

賣劍買牛

龔遂為渤海太守民有帶刀劍者使賣劍買牛賣刀買犢可謂帶牛佩犢之矣

丙吉問牛

丙吉為相出逢死傷橫道過之不問前行逢人逐牛牛喘吐舌使問逐牛行幾里矣椽吏謂前後失問吉曰民間相殺傷長安令京兆尹職所當禁捕宰相不親小事非所當問方春未可大熱恐牛行近用暑故喘三公典調和陰陽職當處是以問之

觸牆成字

鄭玄家牛觸牆成八字白集注

常乘青牛

封君達少好道入鳥鼠山百餘年還鄉里常乘青牛故謂青牛道士

牛飲天河見八月門

認牛不辨

劉寬嘗行有人失牛者乃於路就寬車中認之寬無所言下駕步歸有須認者得牛而送還叩頭慙謝寬曰幸勞見歸何為也謝也

以木牛運

蜀諸葛亮復出祁山以木牛運米牛者方腹曲頭一脚四足頭



入領中舌著於腹載多而行少宜可大用不可小使

夢牛流血 見夢門

鄰牛犯禾

管寧鄰有牛犯寧禾者寧牽着涼處自飲食還牛主其主大慙

目光在牛背

王衍因宴集為族人所怒舉標擲其面衍初無言引王導共載而去然心不能平在車中攬鏡自照曰爾看吾目光乃在牛背上

賭牛作炙

王愷之有牛名八石車駿常坐其蹄角王武子與射賭得趣左右探心作炙一啖而去

牛墜井中

褚彥回父湛之有牛墜井中湛之率左右營救彥回下簾不視

盜牛不問

晉周訪鄉人盜訪牛於家間殺之訪得密埋其肉不使人知

郭舒雅行鄉人盜殺舒牛事覺來謝舒曰君饑所以食牛餘肉

可共啖之世人皆伏

牛鬪持角 見勇力門

莊苗留犢 見清廉門

餉牛不食

梁傳昭性篤謹子婦家餉牛肉以進昭昭召其子曰食之斯犯也言是則不可取而埋之不負閭室如此

叔射殺牛 見嫂叔門



病牛贖回

後周孟信家貧，唯有一老牛。其兄子賣以供薪米，契券訖信適從外來，方知其賣。因告買者曰：「此牛先來有病，小用便發，君不須也。」杖其兄子，買者嗟異，苦請不得。

決爭牛訟

張允濟仕隋為武陽令。元武民以犛牛依婦家者，久之孳十餘犛。將歸而婦家不與牛，民訴縣，縣不能決，乃詣允濟。允濟曰：「若自有令，吾何與焉？」民泣訴其抑。允濟因令左右縛民，蒙其首過婦家，云：「捕盜牛者，令盡出民家牛，質所來歸，不知還。」曰：「此犛家牛，我無與，即遣左右撤蒙，曰：『可以此還犛。』」婦家叩頭服罪。元武吏大慙。

牛角挂書

李密聞包燈在緱山，往從之。以蒲薦乘牛，挂漢書一帙，角上一手捉牛鞞，一手翻書讀之。越公楊素見而奇之。

戴文成牛

貞元中，海鹽縣有戴文者，家富性貪，其鄉人舉債必收利數倍。有鄰人與之交利，刻劍至多，鄰人積恨數年。文病歿，鄰人家牛生一黑犛，脇下白毛成字，曰「戴文」。聞里咸知，文子恥之，乃求謝焉。以物慰去其毛，鄰人從之。既而文子以牛身無驗，乃訟鄰人妄稱牛犛有字。追至官，則白毛依然，復出，但呼「戴文」，牛則應聲而至。鄰人恐文子盜去，夜則閉于別室，經數歲方死。變化記

班特處士

事類彙編後集 卷之三十九



寧茵假病太僚莊南山下月夜有叩關稱桃林斑特處士因訪繼而南山斑寅將軍來謁茵為置酒及明視門外唯牛蹄虎跡而已廣記

白水拈牛見僧門

黑牡丹

唐末劉訓者京師富人梁氏開國嘗假貸以給軍京師春遊以觀牡丹為勝賞訓邀客賞花乃繫水牛數百在前指曰此劉氏黑牡丹也

盜割牛舌

包拯知天長縣有訴盜割牛舌者公使歸屠其牛齧之既而有告私殺者公曰何為割某家牛舌而又告之盜者驚服

摸鐘試盜見盜門

古今文集

雜著

相牛經

竊賊

牛岐胡壽岐牽兩服去角近行駛眼欲得大眼中有白脉貫瞳子最快頭骨長且大駛壁壘欲得闊間也倚欲得如絆馬聚而鷹庭欲得廣前天關欲得成骨接馬骨欲得垂脊中欲得蘭株欲得大尾林豐岳欲得大膝林骨垂頭欲得高百體欲得繁垂星欲得有怒肉蹄上巴肉覆力柱欲得大而骨也懸蹄欲得如八字陰虹屬頭陰虹者有雙筋陽鹽欲得廣陽塩者來尾似鳴者有黃也洞胡無壽珠淵無壽旋毛當上池有亂毛妨主

事類彙編後集

卷之三十九



凶上池角也身欲得促形欲得如卷大膝疎肋難飴龍頭突目好跳中央也豪肋欲得成就筋後橫也毛欲得短密若長疎不耐寒氣尾不用至地尾毛少骨多者有力膝上肉欲得豎角欲得細鼻如鏡則雄牽口方易飴萊府方易飴

嘆牛

劉禹錫

劉子行其野有叟牽牛于蹊偶問焉何形之塊歟何足之病歟今蘇散然將安之歟叟攬縻而對云塊其形飯之至也病其足役之過也請為君畢詞焉我儻車以自給當驅是牛引于鈞北登太行南並商嶺掣以廻之北以登之雖涉淖路高轂如蓬而轉不積及今廢矣顧其足雖傷而膚尚膺以畜養之則無用以庖視之則有贏伊禁焉莫敢尸也甫聞邦君饗士上剛日矣是

往也將要售於宰夫余尸之曰以叟言之則利以余言之則悲若之何余方窶且無長物願解裘以贖將置諸曹草之鄉可乎叟輟然而哈曰我之沽是屈指計其直可以持醪而饜肥飴子而衣妻若是之逸也美事裘為且昔之厚其生非愛之也利其力今之致其死非惡之也利其財子烏乎落吾事劉子度是叟不可再辭屈乃以秋叩牛角而嘆曰所求盡矣所利趨矣是以貪能霸吳屢饋賜斯既帝秦五刑具長卒威震杜郵成敗下項擒鍾室誅皆用盡身殘功成禍歸可不悲哉可不悲哉嗚呼以不賈之用而應夫無方便時宜之莫吾害也苟物於形若用極則憂明也

下邳侯華傳

韓愈



下邳侯華者其先隴西人也三十六代祖守犍為黃帝時以  
力召拜大司農以其關土有功又知稼穡之艱難遷輕車都尉  
子孫相繼至周武王時徙居桃林冠冕遂絕其後人思其澤世  
之才因復其位而加任使焉華父雙生五年襲先祖爵祿仕至  
上輕車都尉華母世居長樂有乳哺之恩越王勾踐時嘗侍宴  
姑蘇臺詩所謂有覺德行者也雙因引重至太行山力不任事  
遂歿于轅下上嗟悼命太宰申屠公執刀而解之其支派分離  
散他處華長子也上念其父劬勞而死于王事封華為下邳侯  
詔將作大匠治之華為性堅勁屈強難以直禦匠以其膏潤之  
然後去其豪族而加裁割焉會太原人金十奴與新鄭人斛斯  
生相逢薦華於五木大夫是後稍上得成其名上嘉之遂

賜墨綬華嘗曰吾辛勤入令方成不得處上左右足矣及獻之  
果然華為入善能履道別威儀進止趨踰一隨人意上將駕出  
遊敗獵馳騁球擊射御及禮神祭祀交賓接賢未嘗不召華偕  
往代事上又之因病忽聞自論議洩露密旨上由是踈之詔將  
作大匠治之又命其友金十奴等補過之尋獻於上上雖納有  
泥塗賤處方召使之餘並不得預焉頃之上見其顏色頗頽又  
衰憊失度上咨歎曰下邳侯老而憊不任吾事今棄子於市不  
復召子矣華無息繼者族人焉贊曰  
華氏之先本出皮姓軒轅時蒼頡觀鳥跡制文字以其始於皮  
而至於華故從華焉漢書功臣表有煮棗侯華末者即其後也  
初華自胡而來趙武靈王時見重是後子孫盛於中國

德書堂



牛賦

柳宗元

若知牛平。牛之為物。魁形巨首。垂耳抱角。毛角踈厚。卒然而鳴。黃鍾蒲脰。牴觸隆臑。日耕百畝。往來修直。植乃禾黍。自種自斂。服箱以走。輸入官倉。已不適口。富窮飽飢。功用不有。陷泥壓石。嘗在草野。人不慙愧。利滿天下。皮角見用。看尻莫保。或穿絨勝。或實俎豆。由是觀之。物無踰者。不如羸驢。眼逐駑馬。曲意隨勢。不擇處所。不耕不駕。藿菽自與。騰踏康莊。出入輕舉。喜則齊鼻。怒則奮擲。當道長鳴。聞者驚辟。善識門戶。終身不傷。牛雖有功。於已何益。命有好醜。非若能力。慎勿怨尤。以受多福。

書柳子厚牛賦後

蘇子瞻

嶺外俗皆括殺牛。而海南為甚。客自高化載牛渡海。百牛一舟。

遇風不順。渴飢相倚。以死者無數。牛登舟皆鳴出涕。既金海南。耕者與屠者常相半。病不飲藥。但殺牛以禱。富者至殺十數牛。死者不復云。幸而不死。即歸德。於巫以巫為醫。以牛為藥。間有飲藥者。巫輒云。神怒。病不可復治。親戚皆為却藥。禁醫不得入。門人牛皆死。而後已。地產沉水香。香必以牛易之。黎黎人得牛。皆以祭鬼。無脫者。中國人以沉水香供佛。燈帝求福。此皆燒牛肉也。何福之能得。哀哉。予莫能救。故書柳子厚牛賦。以遺瓊州僧道真。使以曉諭其鄉人之有知者。庶幾其可哀矣。

跋唐人暮雨牧牛圖

朱元晦

吾老於農圃。日親犁耙。故雖不識畫。而知此畫之為真牛也。彼其前者。却顧而徐行。後者驥首而騰赴。目光炯然。真若相語以



雨而相速以歸者覽者未必知也良工獨苦渠不信然延平余無競出示此卷卷中有劉忠定鄒忠公題字覽之并足使人起敬而龍山老人又先君所選士而余所嘗趨走焉者俯仰存與歿為之慨然因識其後而歸之

古詩

謝胡文學惠水牛圖二卷

司馬君實

牛生天地間益物用最大其功配坤元象爻參象卦血毛類上帝聆響景福介宗廟及賓客百禮無不在引朱刺中田糝食烝民賴服箱走四方竭力任重載昔聞戴更畫圖寫窮纖亦胡君繼其妙差有立異代公卿仰名聲一觀不可巧如何散賤者還有一雙圖賚所嗟性頗愚雅不曉律畫有如歌九招鍾鼓樂舞頤

得乃虛詭無異居太祭神物恐化去立召風雨怪雙圖難卷還重耽敢不拜

牧牛詞

李涉

朝牧牛牧牛下江曲夜牧牛牧牛村口谷荷蓑出林春雨細蘆管臥吹沙草綠亂插蓬蒿箭滿腰不怕猛虎欺黃犢

書鬼說之考牧圖後

蘇子瞻

我昔在田間但知羊與牛川平牛背穩如駕百斛舟舟行無人岸自移我坐讀書牛不知前有百尾羊聽我鞭聲如鼓聲我鞭不妄發視其後者而鞭之澤中草木長草長病牛羊尋山跨坑谷騰趨筋骨強煙蓑雨笠長林下老去而今長見畫世間馬耳射東風悔不長作多牛翁



牧牛兒

張文潛

牧牛兒遠陂牧，遠陂牧牛芳草綠。兒怒掉鞭牛不觸，澗邊柳古南風清。麥深蔽目田野平，烏犍礪角逐草行。老犝卧噉飢不鳴，犢兒跳梁沒草去。隔林應母時一聲，老翁念兒自携餉出門。先上兩頭望日斜，風雨濕蓑衣拍手唱歌尋伴歸。遠村放牛風日薄，近村放牛泥水惡。珠璣燕趙兒不知，兒生但知牛背樂。

題牧牛圖

陳去非

千里煙草綠，連山雨新足。老牛抱朝飢，向山影覓食。犢兒狂走先過浦，却立長鳴待其母。母子為人實倉廩，汝餉不慙人愧汝。牧童生來日日娛，只愛身大當犯鋤。日斜睡足牛背上，不信人間有廣輿。

律詩

昇平調

王元之

細草烟深暮雨收，牧童歸去倒騎牛。笛中一曲昇平樂，再得生來未解愁。

牛

歐陽永叔

日出東籬黃雀驚，雪消春動草芽生。土坡平慢陂田闊，橫載兒童帶犢行。

買牛

陸務觀

老子傾囊得萬錢，石帆山下買烏犍。牧童避雨歸來晚，一笛春風草滿川。

詩話

事文類聚後集

卷之三十九

七



託牛寓諷

李家明滑稽善諷諫從後主登臺望鍾山見牛臥樹陰下嗣主曰牛且熱矣家明上絕句云曾遭寧戚鞭敲角又被田單火燎身閑背斜陽嚼枯草近來聞喘更無人

騎牛作歌

陳仲舉賢良廐寧中言新法不便謫南康酒稅券兩黃犢時與劉凝之跨之游廬山凝之挂冠隱居嘗作騎牛歌曰我騎牛君莫笑世間萬事從吾好李伯時因畫為圖新安人竹洲先生吳恭父微亦題古風云汗血聲利場舉世循一軌霜風老叢棘松路石齒齒牛瘦僕夫疲累累山谷裏兩翁非病狂顧獨不取彼牛背有佳處未可語俗子東齊向于載凜凜有生氣試問齊景

公鳥用馬千駒

羊

羣書要語羔羊子也羴五月生羔也羴六月生羔也羴七月生羊也羴雉羴羊未孕歲也羴牝羊也羴牝羊也羴羊牝一歲曰羴三歲曰羴壯一歲曰羴三歲曰羴吳羊牝居八曰羴瀟洛殺羊牝曰羴廣雅羊一名髯鬚主簿古今注凡祭祀宗廟之禮羊曰羴毛曲禮大夫無故不殺羊曲禮羊冷毛而羴羴內則仲春獻羔開冰月令伐冰之家不畜羊羊大學羴羊觸藩羴其角易羴羊羴首羴之由醉之言俾出童羴賓筵凡贊卿用羔羔有角而不用如好仁者執之不鳴殺之不誦類死義者羔飲

事文類聚後集

卷之三十九

十四



其母必跪類知禮者羊之為言猶羊故以為贄春秋繁露十羊九牧六帖無異驅羊攻虎漢書無異使羊將狼張良傳宋義下令軍中曰狼如羊貪如狼不可使者皆驅之同上

**詩句**牛羊歸徑險牛羊識童僕並杜麥隴縱牛羊后山喜動

鄰里烹猪羊歐北風低草見牛羊山谷

**古今事實**

宣王考牧

宣王考牧誰謂爾無羊二百維羣爾羊來思其角濈濈或降于阿或飲于池或寢或訛爾牧來思何蓑何笠或負其餼二十維物爾牲則具爾牧來思以薪以蒸以雌以雄爾羊來思矜且兢不騫不崩靡之以旌畢來既升

證父攘羊

葉公語孔子曰吾黨有直躬者其父攘羊而子證之

存羊愛禮

子貢欲去告朔之餼羊子曰賜也爾愛其羊我愛其禮

羶羊土怪

魯桓子穿井獲如土缶其中有羊焉使問仲尼曰玉帛豈井得羊也對曰丘聞之土之怪羶羊也

童子牧羊

楊朱見梁惠王言治天下如運諸掌王曰先生有二妻一妾而不能治三畝之園而不能耘言治天下何也曰君見夫牧羊者乎百羊為羣使五尺童子荷箠而隨之欲東而東欲西而西使



弄牽一羊。舜荷箠而隨，則不能前也。列子

滅谷亡羊

滅與谷二人相與牧羊，而俱亡其羊。問滅奚事，則挾冊讀書。問谷奚事，則博塞以遊。莊子

亡羊多岐

楊子之鄰人亡羊，既率其黨，又請楊子之豎追之。楊子曰：「嘻！亡一羊，何追者之衆？」鄰人曰：「多岐。」既反，問獲羊乎。曰：「亡之矣。」曰：「奚亡之？」曰：「岐路之中，又有岐焉。吾不知所以反也。」列子

肉袒牽羊

楚子圍鄭，鄭伯肉袒牽羊以逆。曰：「孤不夫，不能事君，使懷怒以及敝邑，孤之罪也。」

羊斟不與

宋華元殺羊食士，其御羊斟不與。及戰，曰：「疇昔之羊，子為政，今日之事，我為政，與入鄭師，故敗。君子謂羊斟非人也，以其私憾，敗國殄民。」宣二

羊舌為氏

昔有攘羊者，以羊頭遺晉叔向，向母埋之，不食。後二年，攘羊事發，遣捕向家，檢羊骨肉都盡，惟有舌在。國人異之，遂以羊舌為氏。隱於屠肆

屠羊說楚人隱於屠肆，昭王失國，說往從王。王反國，欲將賞說。說曰：「大王失國，說屠羊。大王反國，說亦屠羊。臣之爵祿已復矣，又何賞之有？」王使司馬子慕延之，以三珪之位。說曰：「願長反屠。」



羊之肆耳遂不受高士傳

鬼化為羊

南陽宗定伯年少時夜行逢鬼問鬼所急答曰唯不喜人唾定伯便擔鬼着頭上急持行徑至市中下着地化為一羊唾之恐其變化賣之得錢千五百雄異傳

十式牧羊

十式有少弟出分獨取畜羊百餘田宅財物盡與弟式入山牧十餘歲羊于餘上曰吾有羊在上林中乃拜式為郎布衣草屨而牧歲餘羊肥息上見其羊問之式曰非獨羊也治民亦猶是也惡者輒去無令敗羣上以式為奇拜緣氏令

蘇武牧羊紙

蘇武往使匈奴匈奴知武不可降使北海無人處牧羊羝羊羝乳乃得歸武至海上廩食不至乃掘野鼠草實而食武杖漢節牧羊臥起常持節旄盡脫

牧羊學書

路溫舒父為里監門使溫舒牧羊溫舒取澤中蒲截以為牒編用寫書

祠竈用羊

瘦羊博士

左慈化羊

後漢左慈字元放曹操嘗出近郊從者百許人慈為齋酒一升脯一斤手自斟酌百官醉飽操怪之使行視諸壚悉忘其酒助



操懷不喜欲因坐上殺之慈卻入壁中霍然不知所在或見於市又捕之市人皆變形與慈同莫知誰是後人逢慈於陽城山頭因復逐之遂走入羊羣操知不可得令就羊中告之曰不復相殺本試君術耳忽一老羝屈前膝人立言曰遽如許即競往赴之羣羊數百皆變為羝並屈膝人立言曰遽如許遂莫知所取

初平叱羊

皇初平生十五家使牧羊有道士見其良謹便將至金華山石室中四十餘年忽然不復念家其兄初起行索初平歷年不得後見市中有道士乃問之道士曰金華山中有牧羊兒姓皇字初平兄乃隨道士與初平相見語畢問羊何在曰在山東兄往

視但見白石不見羊初平曰羊在耳兄自不見初平乃往叱羊羊起於是白石皆起成羊數萬頭神仙傳

牧羊讀書

楊浚同郡王象少孤特為人僕隸年十七八見使牧羊而私讀書因獲唾楚後美其才質即贖象着家婚娶立屋然後與別象官至散騎常侍魏志

乘羊車

晉宮人以鹽塗竹葉引羊車衛玠總角乘羊車入市見者皆以為五人

羊乃雨工

柳毅遇洞庭女牧羊曰吾不知子之牧羊何所用哉神祇豈宰



殺乎。女曰：非羊也。雨工也。何謂雨工？曰：雷霆之類也。殺復視之，則皆矯顧擎步，飲齧甚異，而大小毛角，則與羊無別焉。靈烟傳

### 當食萬羊

唐相國李德裕為太子少保，分司東都，嘗召一僧問已之休咎。僧曰：公災當萬里南去。曰：南去遂不還乎？僧曰：當還耳。公訊其事，對曰：相國平生當食萬羊，今食九千五百矣，所以當還者，未盡五百羊耳。公慘然而嘆曰：吾師果至人，且我元和十三年為丞相張公，從事於北都，嘗慶行晉山，見山上盡百皆羊，有牧羊者十數，迎拜我，我因問牧者曰：此侍御平生所食羊，吾嘗識此夢，不洩於人。今者果如師之說耶？後旬日，振武節度使水暨遣使致書於公，且饋四百羊，公大驚，即召告其事，僧嘆曰：萬

羊將滿，公其不還乎？公曰：吾不食之，亦可免耶？曰：羊至此已為相國所有，公戚然不悅。旬日，貶潮州司馬，連貶崖州司戶，竟沒於荒裔。太平廣記

### 兵蒙羊皮

王處存以輕兵三千，蒙羊皮夜布之，野李全忠軍望為羣羊爭趨之。李茂勳傳

### 不刃寧羊

仁宗性仁慈，一日晨興，語近臣曰：昨夕因不寐而甚飢，思食燒羊，侍臣曰：何不降旨取索？仁宗曰：比聞禁中每有取索，外面遂以為例，誠恐自此遂夜宰殺，以備非時供應，則歲月之久，害物多矣。豈不忍一夕之饑而放無窮之殺也？時左右皆呼萬歲至。



有感泣者 魏泰記

古今文集

雜著

顧愷之畫黃初平牧羊圖贊

蘇子瞻

先生養生如牧羊。放之無何有之鄉。止者自止。行者行。先生超然坐其旁。挾冊讀書。羊不亡化。而為石。起復僵。流涎磨牙。笑虎狼。先生上賞。羊服箱。號稱雨土行。四方莫隨。上林芒屨郎。躡門舐地。尋鹽湯。

古詩

五仙謠

郭功父

番禺五仙人。騎羊各一色。手持六和穗。翱翔繞城壁。翩然去乘

雲。諸羊化為石。至今留空祠。異像猶可識。曾聞經猛火。毫髮無痕跡。五仙寧復來。三說頗難測。只憂風雨至。半夜隨霹靂。君不見。羗廬劉越之洞天。萬象森羅無一尺。

律詩

戲答張秘監饋羊

黃魯直

細肋柔毛飽。臥沙煩。公遣騎送寒家。忍冷無罪。充庖宰。兒童駕小車。

新編古今事文類聚後集卷之三十九終



早稲田大学図書館

011488505744